



Republika e Kosovës

Republika Kosova - Republic of Kosovo

Agjencia e Kosovës për Akreditim

Agjencia Kosova za Akreditaciju
Kosovo Accreditation Agency



Data: 22.02.2019

Ref.: 322/190

Në mbështetje të nenit 4, dhe 23, të Ligjit për Administratën Shtetërore të Republikës së Kosovës (nr.03/L-189, datë 16.09.2010), Ligjit për Procedurën e Përgjithshëm Administrative (nr. 05/L-31, datë 25 maj 2016), neni 7, dhe neni 15 të Ligjit për Arsimin e Lartë në Republikën e Kosovës (Nr. 04/L-037, datë 29.08.2011), Udhëzimin Administrativ për Akreditimin e Institucioneve të Arsimit të Lartë në Republikën e Kosovës (Nr.15/2018, datë 28.09.2018), Këshilli Shtetërorë i Cilësisë (KSHC), në mbledhjen e 61-të, të mbajtur më 15 dhe 16 janar 2019, mori:

V E N D I M

I. Refuzohet kërkesa e Kolegji Biznesi (Nr.1472/18H, datë 31.10.2018) për riakreditim/akreditim të programeve të studimit si më poshtë:

- Juridik Penal, LLM, 60 ECTS;
- Menaxhimi i Emerxhencave, MA, 120 ECTS, dhe
- Infermieri, BSc, 180 ECTS.

II. Ky vendim hyn në fuqi me nënshkrimin e tij.

Arsyetimi

Kolegji Biznesi ka parashtruar kërkesë (Nr.1472/18H, datë 31.10.2018) në Agjencinë e Kosovës për Akreditim për riakreditim dhe akreditim të programeve të studimit si në vijim: Juridik Penal, LLM, 60 ECTS; Menaxhimi i Emerxhencave, MA, 120 ECTS, Menaxhment dhe Financa, MA, 120 ECTS, dhe Infermieri, BSc, 180 ECTS.

Bazuar në nenin 10 të Udhëzimit Administrativ për Akreditimin e Institucioneve të Arsimit të Lartë, Nr. 15/2018, datë 28.09.2018, (tash e tutje UA për Akreditim), KSHC në mbledhjen e mbajtur me 15 dhe 16 janar 2019 ka trajtuar aplikacionin e Kolegjit Biznesi. Në pikën 1.2 të nenit 10 të UA për Akreditim, thuhet, "Në përputhje me kërkesat e këtij udhëzimi administrativ, KSHC do të bëjë aprovimin e listës së stafit akademik për çdo program të studimit i cili parashtrohet për aplikim nga institucionet e arsimit të lartë. Tabelat e plotësuara në formë elektronike se bashku me deklaratat për angazhimin e stafit akademik përcillen në formë të raportit përmbledhës në mbledhjen e ardhshme të KSHC-së për aprovim formal. Raporti përmbledhës për gjendjen e stafit në bazë të të dhënave të dorëzuara nga institucionet e arsimit të lartë

përgatitet nga stafi i AKA-së". Mbi këtë bazë, KShC erdhi në përfundim se programet e studimit Juridik Penal, LLM, 60 ECTS; Menaxhimi i Emerxhencave, MA, 120 ECTS, dhe Infermieri, BSc, 180 ECTS nuk i plotësojnë kushtet ligjore për aprovim të aplikacionit.

Sipas nenin 26, pika 5.3.4 e Udhëzimit Administrativ për Akreditim (15/2018, datë 28.09.2018), Institucionet e Arsimit të Lartë: *"Për programet e studimit të cilat shpijnë deri tek marrja e një diplome shkencore Bachelor dhe Master, kërkesat për stafin akademik janë për çdo grup të studentëve (të përcaktuar sipas statuti të IAL) dhe për çdo 60 ECTS kredi të programit studimit, institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimit"*.

Bazuar në nenin e referuar më sipër KShC ka verifikuar te gjithë dokumentacionin relevant të kualifikimit të stafit akademik për programet e studimit. Këto te dhëna janë prezantuar në mbledhjen e KSHC-së të mbajtur me 15 dhe 16 janar 2019, dhe pas shqyrtimit të dosjes për secilin staf akademik, KSHC mori vendim që të refuzoj aprovimin e aplikacioneve të Kolegjit Biznesi, sipas pikës një (1) të dispozitivit të këtij vendimi.

1. **Për programin e studimit: Juridik Penal, LLM, 60 ECTS**, si bartës të këtij programi Kolegji Biznesi ka paraparë dy persona: Mitasin Beqiri (PhD në Administratë Publike); Arben Agushi (PhD në Shkenca Juridike).

Sipas nenin 26, pika 5.3.4 e Udhëzimit Administrativ për Akreditim (15/2018, datë 28.09.2018), Institucionet e Arsimit të Lartë: *"Për programet e studimit të cilat shpijnë deri tek marrja e një diplome shkencore Bachelor dhe Master, kërkesat për stafin akademik janë për çdo grup të studentëve (të përcaktuar sipas statuti të IAL) dhe për çdo 60 ECTS kredi të programit studimit, institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimit"*.

Ky program ka 60 ECTS, dhe rrjedhimisht sipas nenit 26, pika 5.3.4 e Udhëzimit Administrativ për Akreditim, për këtë program të studimit Kolegji Biznesi, duhet te ketë te paktën një staf akademik me gradën shkencore *PhD* me marrëdhënie të rregullt të punës nga fusha e programit të studimit.

Pas verifikimit të dokumentacionit të stafit akademik të prezantuar nga Kolegji Biznesi për këtë program të studimit, u konstatua që asnjëri nga bartësit e programit te prezantuar më sipër në programin, *Juridik Penal, LLM, 60 ECTS*, nuk i përkasin fushës juridike penale. Mitasin Beqiri (ka PhD në Administratë Publik), ndërsa Arben Agushi (PhD në Shkenca Juridike në lëmin Civil).

Andaj bazuar në faktet e prezantuara me sipër dhe dispozitat ligjore te sqaruara me lartë, dhe në mungesë të stafit të fushës së programit të studimit, si dhe bazuar në nenin 26, pika 5.3.4 e Udhëzimit Administrativ për Akreditim, KSHC erdhi në përfundim që ky program i studimit nuk i plotëson kushtet ligjore për aprovim, dhe mbi këtë bazë, vendosi ta refuzojë aprovimin e aplikacionit për programin e studimit, *Juridik Penal, LLM, 60 ECTS*.

2. **Për programin e studimit: Menaxhimi i Emerxhencave, MA, 120 ECTS**, si bartës të këtij programi Kolegji Biznesi ka paraparë dy persona: Adem Musliu (PhD në Biologji Molekulare), Xhelal Kepuska (PhD në Bujqësia dhe Mjedisi, drejtimi: Shkenca Mjedisore).

Sipas nenit 26, pika 5.3.4 e Udhëzimit Administrativ për Akreditim (15/2018, datë 28.09.2018), Institucionet e Arsimit të Lartë: *“Për programet e studimit të cilat shpijnë deri tek marrja e një diplome shkencore Bachelor dhe Master, kërkesat për stafin akademik janë për çdo grup të studentëve (të përcaktuar sipas statuti të IAL) dhe për çdo 60 ECTS kredi të programit studimit, institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimit”.*

Ky program ka 120 ECTS dhe, rrjedhimisht, sipas nenit 26, pika 5.3.4 e Udhëzimit Administrativ për Akreditim, për këtë program të studimit Kolegji Biznesi, duhet të ketë të paktën dy anëtar personeli akademik me gradën shkencore *PhD* me marrëdhënie të rregullt të punës nga fusha e programit të studimit.

Pas verifikimit të dokumentacionit të stafit akademik të prezantuar nga Kolegji Biznesi për këtë program të studimit, u konstatua që asnjëri nga bartësit e programit të prezantuar më sipër në programin, *Menaxhimi i Emerxhencave, MA, 120 ECTS*, nuk i përket fushës së programit të studimit. Adem Musliu është PhD në Biologji Molekulare, Xhelal Kepuska është PhD në Bujqësia dhe Mjedis, drejtimi: Shkencat Mjedisore. Bazuar në fushën e studimit të stafit të referuar me lartë, KShC erdhi në përfundim që asnjëri nuk i përket fushës së programit të studimit, andaj mori vendim si në dispozitiv të këtij vendimi.

Andaj bazuar në faktet e prezantuara më sipër dhe dispozitat ligjore të sqaruara me lartë, dhe në mungesë të stafit të fushës së programit të studimit, si dhe bazuar në nenin 26, pika 5.3.4 e Udhëzimit Administrativ për Akreditim, KSHC erdhi në përfundim që ky program i studimit nuk i plotëson kushtet ligjore për aprovim, dhe mbi këtë bazë, vendosi ta refuzojë aprovimin e aplikacionit për programin e studimit, *Menaxhimi i Emerxhencave, MA, 120 ECTS*.

3. Për programin e studimit: *Infermieri, BSc, 180 ECTS*, si bartës të këtij programi Kolegji Biznesi ka paraparë dy persona: Arjeta Hasanaj (Dr. Med), Albulena Baloku (Dr. Med), Valbone Berisha (MA në Menaxhment Shëndetësor) (withdrawn).

Sipas nenit 26, pika 5.3.11 e UA për Akreditim, *“Programet e studimit me mungesë të stafit akademik me gradën Dr.sc., ashtu siç është paraparë më këtë UA, (Infermieri BSc, Mami, BSc dhe Gjuha e Shenjave BSc), do të lejohen të hyjnë në procedurë të vlerësimit dhe akreditimit, me kusht që institucioni i arsimit të lartë do të siguron AKA-në që ka marrëveshje të bashkëpunimit me të paktën një institucion ndërkombëtar të arsimit të lartë i cili në vendin e tij të origjinës është i akredituar”.* Përveç kushteve të cekura më sipër IAL-të duhet të kenë staf permanent nga fusha e programit të studimit, të paktën me gradën MA.

Pas verifikimit të stafit akademik, KSHC erdhi në përfundim që asnjëri nga bartësit e prezantuar më lartë për programin *Infermieri*, nuk janë të fushës së programit të studimit, dhe rrjedhimisht nuk i plotësojnë kushtet ligjore për të qenë bartës të këtij programi të studimit.


Për më tepër, Valbone Berisha, bartëse në këtë program studimi është tërhequr dhe ka shkëputur kontratën me këtë institucion, dhe për një gjë të tillë e ka njoftuar përmes e-mail edhe Agjencinë e Kosovës për Akreditim.

Andaj bazuar në faktet e prezantuara më sipër dhe dispozitat ligjore të sqaruara më lartë, dhe në mungesë të stafit të fushës së programit të studimit, dhe bazuar në nenin 26, pika 5.3.4, dhe 5.3.11 e Udhëzimit Administrativ për Akreditim, KSHC erdhi në përfundim që ky program i studimit nuk i plotëson kushtet ligjore për aprovim, dhe mbi këtë bazë, vendosi ta refuzojë aprovimin e aplikacionit për programin e studimit, *Infermieri, BSc, 180 ECTS*.

Këshillë juridike: Kundër këtij vendimi pala e pakënaqur mund të paraqes ankesë sipas nenit 125 dhe 126, të Ligjit për Procedurën e Përgjithshëm Administrative (Nr. 05/L-31, datë 25 maj 2016). Ankesa kundër këtij akti administrativ i dorëzohet organit i cili e ka nxjerr këtë vendim bazuar në nenin 128 të LPPA, në afatin prej 30 ditësh nga dita kur pala është njoftuar për aktin administrativ sipas nenit 127 të LPPA.

Vendimi iu dërgohet:

- BPrAL Kolegji "Biznesi";
- MASHT-it;
- Arkivit të AKA-së.


Prof. Dr. Gazmend Luboteni
Kryetar i Këshillit Shtetëror të Cilësisë

